



Te chësc ultim fin dl'edema é l'atlet da La Val DIEGO TSCHAFFERT sté impegné pro la famoja gara de Ultra Trail "Diagonale des Fous" sön la picera isola franzeja La Réunion tl'Africa (dlungia le Madagascar y les isoles Mauritius). Cun bëgn 165 km de percurs y 9.576 metri de dislivel cunta chësta gara tecnica pro les plö ries. Diego pó ester brao de súa prestaziun y resultat, do 32.36,29 ores al taié le travert mostran sò le 27^o post de categoria y le 50^o assolut, sön bëgn 2.874 atlec.

L'Unión dl Sport se congratulëia cun l'atlet por chësc bel travert y ti augüra le miú por sües proscimes imprejes!!

Do la devënta de copa, chësc ultim mercui ai 11/09 contra le Aicha, é la squadra da La Val buna de purtè a
cíasa 3 punc importanc. Na partida dër sintida, suradüt por l'alenadù Floriani che à alenè la squadra dl Niederdorf por 2 agn.

I sogadusc da La Val röia sön le ciamp cun na gran grinta y bele do da püc menüc tomel le gol dl 1 a 0. Sön n angolo éle Alex E. che ciafa le pal al limit dl' area y cun na bela trata sot la traversa portel la squadra da La Val in vantaje.

A mēz le prüm tēmp éle Emanuel bun de radopié le resultat, sön n assist de Alexander éle bun de se controlè le pal, cun na gran finta ti sciampel al defensur avversar y cun na trata basa batel le portier.

I atacanc da La Val é bugn de tignì sō le pal y cun de beles combinaziuns esi bugn de ti sciampè plü iadi ala defenjiun avversara, mo sënza ester bugn de ji a conclujiun.

Püch dedo éle ciamò Micky che à na gran ocajiun, sön n bel preparativ röiel te area al dër mumënt, mo le tiro röia de püch sura porta fora.

Dan che le arbiter sciüra le prüm tēmp éle ciamò n atacant dl Niederdorf che abina de cé la stangia de porta sön na trata dal angolo.

Le prüm tēmp se stluj jō sön le resultat de 2 a 0 por La Val.

Le secundo tēmp mēt man cun n gran druch da pert dl Niederdorf, i sogadusc da La Val se stüda ia y se lascia fracé dala squadra avversara.

Cun de beles aziuns röia la squadra avversara deplü iadi dan porta y i sogadusc da La Val mēss aretrè y se parè cun dōtes les forzes. Cun le gran assedio da pert dl Niederdorf garetl tosc le gol dl 2 a 1.

Sön n lancio éle dui defensurs che ne se capësc nia y rōia a saltè adūm sön le pal che vëgn insciö spizoré y ti rōia bel avisa al atacant aversar che cun n tiro bas é bun de bat le portier da La Val.

La nervosité crësc y la lucidité da do, i sogadusc mëss purvè a dūc i cosc da defëne le resultat. Cun le gran laur de Emanuel che và a recuperè n grüm de pai sciurà demez y tëgn insciö sō le pal por che la squadra pois se arlungé, ti garetl la dopietta al 82[^].

Sön n cross da na pert éle bun de se mët jō le pal de piet y cun na bela trata de ciamp sön le palo lunch siglëiel le resultat dl 3 a 1.

Al mancia ma plü püc menüc ala fin y i sogadusc da La Val stà plö defensiv por defënn le resultat.

Püch dedo él le arbiter che sciūra la fin. La partida se rōia sön le resultat de 3 a 1 por La Val.

Cun chisc 3 punc davagnà se porta La Val al 3^o post de tlassamënt.